

唐詩學習推廣計劃 (二十四首唐詩內容)

一年級上學期	一年級下學期
<p>詠鵝 (駱賓王)</p> <p>鵝，鵝，鵝， 曲項向天歌。 白毛浮綠水， 紅掌撥清波。</p>	<p>尋隱者不遇 (賈島)</p> <p>松下問童子， 言師採藥去。 只在此山中， 雲深不知處。</p>
<p>相思 (王維)</p> <p>紅豆生南國， 春來發幾枝？ 願君多採擷， 此物最相思。</p>	<p>憫農 (李紳)</p> <p>鋤禾日當午， 汗滴禾下土。 誰知盤中飧， 粒粒皆辛苦。</p>

二年級上學期	二年級下學期
<p>夜宿山寺 (李白)</p> <p>危樓高百尺， 手可摘星辰。 不敢高聲語， 恐驚天上人。</p>	<p>江雪 (柳宗元)</p> <p>千山鳥飛絕， 萬徑人蹤滅。 孤舟蓑笠翁， 獨釣寒江雪。</p>
<p>鳥鳴澗 (王維)</p> <p>人閒桂花落， 夜靜春山空。 月出驚山鳥， 時鳴春澗中。</p>	<p>竹里館 (王維)</p> <p>獨坐幽篁裡， 彈琴復長嘯。 深林人不知， 明月來相照。</p>

三年級上學期	三年級下學期
<p>樂遊原 (李商隱)</p> <p>向晚意不適， 驅車登古原。 夕陽無限好， 只是近黃昏。</p>	<p>小兒垂釣 (胡令能)</p> <p>蓬頭稚子學垂綸， 側坐莓苔草映身。 路人借問遙招手， 怕得魚驚不應人。</p>
<p>獨坐敬亭山 (李白)</p> <p>眾鳥高飛盡， 孤雲獨去閒。 相看兩不厭， 只有敬亭山。</p>	<p>早發白帝城 (李白)</p> <p>朝辭白帝彩雲間， 千里江陵一日還。 兩岸猿聲啼不住， 輕舟已過萬重山。</p>

四年級上學期	四年級下學期
望廬山瀑布 (李白) 日照香爐生紫煙， 遙看瀑布掛前川。 飛流直下三千尺， 疑是銀河落九天。	渡漢江 (李頻) 嶺外音書絕， 經冬復歷春。 近鄉情更怯， 不敢問來人。
絕句 (杜甫) 兩個黃鸝鳴翠柳， 一行白鷺上青天。 窗含西嶺千秋雪， 門泊東吳萬里船。	贈花卿 (杜甫) 錦城絲管日紛紛， 半入江風半入雲。 此曲只應天上有， 人間能得幾回聞？

五年級上學期	五年級下學期
楓橋夜泊 (張繼) 月落烏啼霜滿天， 江楓漁火對愁眠。 姑蘇城外寒山寺， 夜半鐘聲到客船。	登鶴雀樓 (王之渙) 白日依山盡， 黃河入海流。 欲窮千里目， 更上一層樓。
黃鶴樓送孟浩然之廣陵 (李白) 故人西辭黃鶴樓， 煙花三月下揚州。 孤帆遠影碧空盡， 惟見長江天際流。	鹿柴 (王維) 空山不見人， 但聞人語響。 返景入深林， 復照青苔上。

六年級上學期	六年級下學期
望天門山 (李白) 天門中斷楚江開， 碧水東流至此回。 兩岸青山相對出， 孤帆一片日邊來。	送別 (王維) 山中相送罷， 日暮掩柴扉。 春草明年綠， 王孫歸不歸。
山行 (杜牧) 遠上寒山石徑斜， 白雲生處有人家。 停車坐愛楓林晚， 霜葉紅於二月花。	烏衣巷 (劉禹錫) 朱雀橋邊野草花， 烏衣巷口夕陽斜。 舊時王謝堂前燕， 飛入尋常百姓家。